



孫子長詩序



余嘗論子長之爲人蓋有三變少
壯而蜚華挾藻茗發穎豎英英俊
人也長而規言矩行金聲玉色溫
溫恭人也晚而挂冠解組隱居教

授生徒負牆講論重席番番老成
人也井邑遷改人世交變世變則
風毛雨血蛻背徇流而子長自如
人變則睂橫目豎石浮木沈而子
長亦自如橫經籍書易衣并食名

行日以修著述日以富一日卷其
所作謁余而請曰祚也夙侍函丈
今老矣惟夫子賜之一言庶以論
其人表其志余聞之詩曰有匪君
子如金如錫如圭如璧夫圭璧之

爲器古之帝王用以祀天禮地羞
王公而鎮社稷詩人之言金錫蓋
趣舉之而豈以是爲等夷也哉世
衰道降灌薦覲聘之禮不作圭璧
之用不能比於金錫而世之識玉

者亦寡矣余觀子長殆衛風所誦
圭璧之君子作爲聲詩乎尹旁達
劔域鍼秘錯落其間時命晦蒙不
獲與大璜琬琰陳列明堂東西序
之間而子長恥於自衒不欲泣血

以相明斯世之識玉者寡不徒無憾亦竊以自幸焉魯者王子朝之寶珪得者將賣之則爲石鄭人取周府之玉則化而爲蜮且射人甚矣玉之難免於亂世也化而爲石

又化而射人而後乃懂而得全天之鍾美於是而愛惜之閔護之若此其至也由此觀之子長之圭璧居今之世而琅然於砭砭砂礫之中久而彌瑩夫豈偶然也哉子長

被褐懷玉不自矜重余以崑山抵
鵲之人幸得攫攘其旁探子長之
意以余猶為能識玉者故不辭而
為之序於以論其人而表其志且
告於世之為石為蜮者也歲在庚

子中秋江邨老友蒙叟錢謙益序



順治十七年冬梓行

雪屋二集卷目

第一卷

虞山城樓春眺

癸酉

花信風

春寒

家庶明湖田別業

飲野田

綠萼梅

明妃

題張叔維畫卷

四首

遊靈谷登寶公浮屠

句曲早行

對酒

冬日

寄北征友

塞上曲

四首

訪程孟陽拂水山莊

甲戌

春夜譚扶風齋

登縹緲峰落舟復泛月石公坡

春夜步至破龍山房

山中出蛟

春暮山房雜詠

十二首

過北山王子任故居

破龍礮觀泉

五丈石觀泉

夏日登北固

登焦山絕頂

題京口石磯

病熱口占

病中

病餘

小除夕雨飲綻香閣

元旦

乙亥

春日復過山齋

山齋枕上

清明題寓

張公亮過虞山有贈

送魏仲雪學憲之粵

夏日山齋

哭兄蕃甫疊夏日韻

應詔

呈雲間司李李寶弓房師

四首

北征次京口

丙子

姑蘇逢劉無彊沈繼明

呈張二無先生

金山杏花下作

舟過高郵

泊古城謁三義廟

舟次宿遷

伽河飲陳大士舟次

與周伯玉從陸赴京 東平道中

郝山述所見 滕縣道中

鄧州道中 瓦橋關

題三家店壁 題京師寓 二首

候試 廷對

同馮仲先遊龍華淨業金剛諸寺 二首

與馮仲先朱以發南下 舟中值兄蕃甫忌辰

偕朱以發登光嶽樓 夜泊邗關 二首

濟江 畱都贈周午陽卜隱

秦淮輓嚴子建 四首 鄧尉看梅 丁丑

送錢宗伯暨瞿給諫赴京廷辯 四首

水村 時伯和齋牡丹

經嚴子建墓 訪陳季采陸布公石梅

趙景之及第寄贈 二首 送蔣晚仙之任南海

雜興 時旭如齋虞美人草

寡鵠歌贈袁重其節母 七夕集姜神超玉照堂

過嚴刺史湖莊 四首 詠朱鸚為家光甫 二首

長至許文玉新樓晚眺 冬日慈視菴 五首

第二卷

春日掩關南村草堂

六首
戊寅

虞美人花

舟次西巖

南園呈陳益吾中丞

與盛躬約繆令胤諸子暨履兒坐月

五首

夏日池上

履兒采芹示之

晚泊釣渚

錫山候牧師稼翁北歸

悼履兒

再哭亡兒履德

春朝趙景之太史為余作異夢賦謝

己卯

趙太史劾楊武陵奪情左遷賦贈

上元友人席

馮已蒼炷香洛伽

江上送徐元脩葬

萬峰禪院與剖公夜談

舟次鄧尉

遊鄧尉

送別新安李玄章

瞿稼軒先生招飲浣溪

春暮南村感懷

贈形家鄭南溟

盛桓夫邀看荷湖上

阻雨京口有懷

九日次雲陽

泊新豐鎮

夜叩蔣山廣公房

淮上感賦呈舊知

四首

客淮上陳階六招同夏象也嵇淑子

泊巴城湖

閨春詩 十六首 庚辰

過廢園有感

西廊

移坐松石齋

飲桑昭伯茅屋下

詠蕪花田

坐月嚴髻珠齋

破山行礪上

山中雨後

嚴子張刺史同日馬生駒鶴生子賦贈

酌林六長於薦菊泉 賦得歌舞閒時看讀書

錢宮詹邀同六長泛湖 中秋周奕丹席

復飲桑昭伯茅舍 何白石寫蘭墨賦贈

聽胡白叔誦洞庭詩

觀商丁大雞彝尊 五首

舟中次牧翁韻

冬夕宴半野堂

輓魏叔子師旅櫬

寄通州胡指水

上元有感 辛巳

上元夜飲

燈飲躬約齋貽戈莊樂

送錢爾弼之金陵 三首

松石齋雜詠 二首

畱殷大徐三小酌

瞿稼軒招山中看梅 四首

寄懷進士馮仲先

蔣晚仙招遊錦峰

同嚴武伯半塘野步

花園村

第三卷

陳益吾中丞招飲柴居

題睢陽五老圖

朱以發招集二株園

林若撫吳廣成過訪

半塘寺展閱華嚴經

夏旱

困夏

錢宗伯黃山歸陪侍

楊贊皇招飲龍潭別業

題朱宗遠園居 四首

送嚴伯玉楚行

題汪賓陽儉退居

東山酬和賦

壽錢宮端收齋師六十

與瞿伯申月下登北固

九日雲陽道中

十月廿四履兒三週忌辰感悼

村中和坡公詠雪韻

寶綸堂又和坡韻

戲柬王兆隆蔣畹仙

春甲子晴 壬午

畱宿稼翁瞻雲閣

鄧尉隨喜大悲懺事

禮三峰和尚塔

登七十二峰閣

北上泊金閘

舟中小臥

雲陽道中

晚霽渡江

邗關

北征途次

阻雨邵白旅店

阻雨界首旅店

漂母祠

晚渡黃河

渡河循東路有感

繇沙河至黑林

小諸城村店

穆陵關

過破車峴

雨後過穆陵關

晚宿山店

臨胸道中

曉發臨胸

途次示扶風

道旁齊桓公墓

齊景公墓

曉渡淄河

青州道中有感

滄酒 二首

再題新中驛店壁

新城道中懷古

涿州道中 一首

入都

呈徐虞求少司寇

文宣師廟石鼓文

報國寺雙松

性不喜醋戲為解嘲

京邸醉述

夏宴田國戚第

遊西山碧雲香山諸刹

遲馮躋仲沛祖不至

龍王堂和劉司馬韻

題平坡廢寺

題祕魔巖寺壁

一宿承恩寺

碧雲寺泉

遊石經山

憩香山寺來青軒

雲居二集 卷目
祕魔巖

香山寺

淨德寺

玉泉

玉泉山泉

京邸雜言 十二首

第四卷

李豐城侯復爵

小侯

下第

都中馬上

九日偕諸同人集酒館

贈別蔣南陔謁選建寧

送別葉水脩

與朱子舒旅飲

部試授司李呈羅文選三首上鄭玄嶽大冢宰

偕客飲長安酒樓

長安旅夜

與王史諸君結社長安

燕邸承相知慰遺柬謝

徐大司寇惠遺柬謝

臘月十九日立春

除前三日贈別朱子舒赴晉撫蔡雲怡先生幕

除夕偕王兆吉赴時兵垣守歲之飲二首

人日癸未

燈市

春分雪

誅失事者

大司寇徐寶摩先生去國次元韻賦贈四首

陳益吾先生擢少司寇喜寄

李仲九何子九見過 送孫魯山先生督師

寒食日粉榆社集 蔡穎生納姬

宴陳水部公署 偕翁時二給諫出都

馬上二首 德州道中苦熱行

經阜城桂平 馬上望嶽

單家橋 入濟

淮船 古城謁二義廟

清江對雨柬漕使 午日金閭別脩來督漕

華蕩舟次抵家作 松陵舟夜

海鹽舟夜 平湖柬陳階六明府

崑山朱以發齋夜集 顧諤明齋夜集

西湖飲朱雲子寓樓 陸鯤庭貽旃鳳堂集

渡湖 雨中渡錢塘江

會稽柬陳臥子司李 上劉念臺先生

上李玉完中丞 蕞山晚眺

臥龍山懷古 題張氏萬玉山房

感悼倪光祿三蘭先師兼貽爾徵爾詒諸世兄

高樓怨 恭謁禹陵

遊南鎮

中秋月蝕

題祁世培先生寓山園

滿城風雨近重陽

倪爾徵送酒至

錢長史宅觀女優

入樵風涇

過射的山

至平水市

暮入雲門

遊雲門寺

四首又二首

趨竹筏

訪陸雍之山居

題倪鴻寶先生園亭

玉樓怨

四首

遊曹山內宕

題曹山外宕石

題衣雲閣

倪子新招飲水閣

王玄趾齋集講學諸子

晚步蒹葭園

張墨妙齋夜集

爲心函題松弟卷

劉念臺先生示道一則

同張受先先後渡江

一首 循湖堤至七山步

登錢塘江上六和塔

經玉泉廢寺

岳武穆王墓

于忠肅祠

陸敕先刻詩約有贈

二首 步月七檜壇 二首

第五卷

寶刀篇

甲申

壽范太濛璽卿

梁谿顧子方過訪

訪顧子方舟次

瞿給諫浣溪賞海棠

和錢爾弢號北詩

吳去塵過訪

送錢宗伯內召

今夜

飲殷汝若新居池上

秋起詠庭前五花

倪文正厥車至吳門

舟經苕溪

苕溪曉發

霜降日觀祭纛

語水飲解蜨齋明府署

當湖陸狂生北郊

偕王子敬西郊感興

送王喜賡令姚江

送朱右服

送瞿稼軒擢少京兆

酬錢履之見贈

和錢履之冬至連雨

除夕

元旦

呈徐虞求冢宰

立春前一日舟中

樵李道中盛雪

陳梅臣權部署中

上元飲梅臣靜觀堂

雪中過春山房

西湖早春

雪霽遊靈隱天竺

西谿道中

絲西谿入橫山

永興寺綠萼梅

江邦玉橫山草堂

江氏擁書樓

橫山晚歸自朱橋江岸 晚過雲棲

禮蓮池大師塔 賦得燈市蚤投瓊

兩朝忠烈祠 六橋春眺

見燕 飲葛無斃梅下

送王蘭陔刺史金華 題朱雲章蘭卷

酒間贈歌姬 飲家孝若樓船

春暮遊天潭邃谷 送瞿中丞巡撫粵西首二

初夏薄遠之村居

雪屋二集卷一

常熟孫永祚子長著

虞山城樓春眺 癸酉

南沙古來縣煙火屬承平湖水西浮嶂江潮北過城荒
祠虞仲蹟廢巷子游名只有仙人石年年春艸生

花信風

年年花信多風信此是春來第幾番一夜青歸彭澤柳
連朝綠滿邵平園欲將細雨霑殘雪時弄遲暉送蚤暄
轉眼物華何處候野梅江杏酒家邨

春寒

鷓鴣啼斷竹林煙花信今朝倍可憐殘雪禁持芳艸色
輕陰邀勒豔陽天曉窗呵鏡籠纖袖夜閣熏香換薄綿
最是病夫先覺得幾番魂夢怯春眠

家庶明邀過湖田別業

歌吹西郊日青春海晏年水邨多曲處茅閣獨悠然遠
勢山縈疊閒情柳起眠夕陽猶未下散作海棠煙

飲野田

花事春將半沿河浦口船繁枝如繁錦飛絮不成禱

影前山俠衣香後舫仙晚雲收夕照人醉水蒨田

綠萼梅

曾向林間拂鬢鴉清歌妙舞月方斜羊家條脫今何在
月下仙人萼綠華

明妃

明妃不作單于婦老向深宮誰得知從說君恩似流水
長門埋沒幾蛾眉

題張叔維畫卷感憶四首

圖得仙源花一株墨痕猶在繫相思江雲飛去重重恨

訴與春風更不知 右杏

張緒當年自寫真長條管得別離曾風流回首今何在
春雨疎疎已不勝 右柳

一生霜骨傲於梅只向冰天雪裏開展卷不禁春夢斷
窻前那得有君來 右梅

瀟湘遺墨等閒看紙上清風拂暮寒石徑記曾攜手處
故人無復對琅玕 右竹

遊靈谷登寶公浮屠

巍巍塔影俯幽岑境入靈峰第一林谷轉龍蛇蟠地勢

松摩霄漢落雲陰三秋陵寢多佳氣十里鈴韜盡梵音
欲向寶公重問法一燈猶照古禪心

句曲早行

秋河未沒曉星黃鞍馬勞勞倦客裝山路穿雲林月暗
野田積水稻風涼行人逢着皆他縣殘夢續來猶故鄉
短舍長亭舊經處幾回來往斷人腸

對酒

不材空歎百年身那復行歌老負薪唯見白駒馳白日
漸看青鏡變青春達生我欲驅愁物 子建愁賦愁之爲物也 快飲

雪屋二集 卷一
君當恕醉人非是酒鄉堪避世眼觀獨醒已非真

冬日

朝暉耀扶桑昏昏忽已晚魯陽戈空揮夸父策亦短急
景苦相摧沉憂方漫漶惜哉烈士懷刺促何由展我聞
雞鳴詩士女警昧旦願耿明發心烏能溺安晏

寄北征友

北風吹寒條發發成嘯吟萬象忽改色白日生幽陰居
人掩扉坐遙想行役心吾子在遠道去去關河深嚴霜
整晨駕日夕投長岑饑虎出阻谷老鴟蹲荒林懷哉積

離思願託高飛禽朔鴈方南翔何繇寄遠音悠悠歲已
晏涕淚常沾襟

塞上曲 四首

氣壓龍荒列校屯時隨羽騎獵秋原關榆飛葉邊聲起
便擬彎弓度玉門

帳外霜風塞草凋月明嚴節響銅焦將軍尚按龍泉坐
密敕輕車夜救遼

尚方玉劔賜年年捷奏虛隨斷鴈邊飛將數奇都護沒
誰將高第象祁連

雪屋二集卷一
陰山朔雪角弓開瀚海黃雲簷築哀蘇武不歸旄節盡
胡人自拜李陵臺

歲三日訪程孟陽拂水山莊

甲戌

其年新年動物華穿雲卽到隱淪家滿天凍雨忽成雪
臨火孤梅先着葩詩骨斲來山石瘦吟肩看去嶺松斜
怪他清思輸高士杜老當年在浣花

春夜譚扶風齋中偕徐艾若

歸時嘹嘹度遠城嚴鐘動後入初更春寒酒盞花無恙
夜靜燈窗雪有聲牀上短書空復在鏡中華髮已須驚

二三兄弟參差羽不盡東風對語情

登縹緲峰落舟復汎月石公坡

洞庭三月梨花春輕篋花逐行春人山中之人朴而異
驚看王孫折花至美人跚步躡飛仙猶帶山頭縹緲煙
牛醉歸來青雀舫凌風一曲煙濤上老蛟臥抱明月胎
戲弄寒光湖面來擊楫泝天天似水石公山石霞稜紫
空梁激浪殷雷聲萬片銀波如掌平我謁石公公是主
何以贈余雲數縷持雲歸去春愁深吳歛越舞何處尋
不如鯨吸三百斗醉臥湖坡弄煙柳石公一笑立青山

洞口春風日日還

春夜出北郊同門人祝子肅子又步至破龍山房
晚攜二三子空山覓心悟稍綠北郭溪遂入桃源路靄
靄餘夕光濛濛隔春霧前林漸昏黑不辨原上樹野花
紛紜香宿鳥啁晰聚幽鱗生野墳叢篁莽回互石勢忽
衝目藤根時躓步幾家隔遠火犬吠春山暮海月東方
升松頭白微露流泉泱泱聞疎鐘杳然度披蓊發巖扃
好風林下遇礧戶蘭杜芳迴然絕塵務

山中出蛟

甲戌

晚見雲物異四山蒸濕煙雨氣膚寸合奔騰如決川巨
石崩紛飛高阜深陷淵跳波樹頭上猶餘老蛟涎因茲
感物理矯首還佇延想其養困時靈氣何速遭虬蟠還
蝮伏寧計歲與年不敢出精怪睽抱明珠眠一旦嶄頭
角變化升九天何曾召風雲風雲爲之先爲我語老蛟
脩鱗豈徒然

春暮山房雜詠

七首

幽澗雜花紛濛濛紫蕤碧蘂搖春風翠翎小鳥踏不得
一聲飛去深林中

雪屋二集卷一
窗外白雲生遠岑松風歇吟清晝陰楊花滿城不到此
坐對階前春澗深

空山無人春日長春紅落盡幽艸芳湘簾忽動午風起
成陣松花吹滿牀

古藤垂垂覆山屋晚來讀倦坐眠熟東風吹落手中書
日影斜斜下叢竹

山僮采得山花歸草帶青青束一圍手弄餘香過溪去
一雙蛺蝶趁人飛

春喧惱人意不得野蜂坐衣撲無力忽聽空林颯有聲

山雲疊疊松頭黑

松花作飯烹紫芹日日山中按玉文興到疾書三百紙
絲毫冉冉生春雲

過北山王子任故居

酒盞從拋已數春海棠開落半成薪一區荒宅深叢竹
數畝迴塘亂野蓁流水不知更地主夕陽唯見灌園人
雙雙乳燕衝林入掠得餘花點角巾

破龍磴觀泉

一道飛流白從空落樹間濺珠侵葛屨迴雪濕禪關狂

雪屋二集卷一
勢千峰合喧聲萬壑還支筇看不足雨氣又漫山

五丈石觀泉

潺湲聞數里一道出長林觸石偏生鬪因風忽亂侵已
看無敵勢唯見不回心奇觀今朝盡都忘夕照沉

夏日登北固

赫炎何處竹林清一徑涼陰初地行樹色半藏甘露寺
山形平接潤州城湯湯江水中瀉拂拂天風袖上生
聞說滄桑容易變金焦猶見巨鼇擎

題焦山絕頂

遙接金山勝標分天外青寺深多樹色江僻少人經鉢
供降龍偈碑捫瘞鶴銘茫茫海門氣不逐晚潮腥

題京口石磯

滄波何不息沙背一拳峰石勢蹲斑豹江身走赤龍月
乘瓜步艇風度玉山鐘我欲垂綸釣鱸魚出手逢

固山下大好鱸魚一
出手釣得四十九枚

病熱口占

內熱如爍鐵腦漿燥乾髓枯竭外熱如沸湯皮膚焦熬
舌刺芒如此相煎數日夜人生何苦悠悠者強將心識

鎮神魂鼠肝蟲臂誰真假既無鸞輪升玉都又無大藥
駐丹壺人之大患患有身惡能逃此陰陽壚

病中

一病逡巡勢較增輕風簾幙更移屏清秋只護支牀枕
永夜唯看背壁燈夢魘未回驚稚子藥囊無辦賴良朋
朝來莫嘆黃花瘦鏡裏頽顏也自憎

病餘

紅日明窗尚晏眠病餘怯對曉風前衣裳乍熨熏籠火
鑪竈先飄藥裹煙愁熱可能忘米汁嫌腥未敢試河鮮

靜中且喜生春意冬月常如三月天

小除夕雨飲綻香閣

窮律忽將春換臘庭梅開徧灑蘭風一身病久初成健
百罰杯淹不放空小閣且逃人事外殘年將盡雨聲中
共憐容鬢今何似笑摘燈花照臉紅

元旦 乙亥

已將輕暖入新年庭草茸茸滿碧煙病後畏人稀客至
雨中閉戶賺春眠辛盤堆菜沾餘醉絲筆迎花試小箋
誰是玉階鳴佩日自憐梅發草堂前

春日復過山齋

處處東風織柳絲野梅開徧最南枝人來山戶依然昨
花落牀書又幾時窗外半添新種樹壁間猶記舊題詩
依稀只是前春事回首年華何處追

山齋枕上

夢繞燈窗春氣深曉鐘不醒睡沉沉一從移榻山齋後
滿耳松風永夜心

清明題寓

曉來啼鳥亂春聲落絮飛花風滿城客裏不知時序逼

一簾細雨又清明

張公亮過虞山屢同遊席酒間出螢芝集見示口

占以贈

三月飛花滿四郊鄂君青翰屢相邀燒燈同照牡丹榭
載雨還移楊柳橋拂拭湖煙與山翠公然爲君獻靈祕
已隨香唾落珠玉更出雄詞吹鼻鼻予贈雪屋吟君示
螢芝集一讀風生襟再讀雷震蟄字字涵化工能令鬼
夜泣予也甘心屬橐韃知君何處倒詞源乍疑五丁力
士鑿出蠶叢嶂又疑白馬神人戲舞銀濤翻君家詞翰

雪屋二集 卷一
世相似當代何人軼前軌博物知名掩茂先登高作賦
凌平子可憐有才不遇空淹畱予更對之雙淚流不排
紫雲叫閶闔落拓徒成汗漫遊時命不來總若此千秋
百代何悠悠手持此編酒百盞澆盡春來萬斛愁

送魏仲雪先生較士東粵

百粵衿紳擁節迎江南名翰舊儒臣孫陽相馬多無價
郢匠揮斤信有神杞梓榱桷楠天上器明珠火齊席中珍
九重特起敷文教頓使南荒日月新

夏日山齋

庭陰交綠木千章夏日山齋晝更長信步不知來路杳
閉眠唯快午風涼時時幽處見奇致往往靜中聞妙香
如此清緣堪入道坐闌還笑落花忙

哭兄蕃甫疊前韻

驚心欲廢脊令章羸瘦形神帶漸長家計米鹽元自薄
人生骨肉一何涼樹交連理荆偏瘁花落同根棗不香
詩裏清緣信難享勞勞造化合應忙

應詔

新詔煌煌簡大良不才何以應明揚天人策擅曾推董

聖屋二集 卷一
古鳴堂
技獵文成謬許楊稍喜策鞭離皂櫪還羞決起在榆枋
廿年鄉國傷懷夢好仗東風入建章

呈雲間司李李寶弓房師

四首

幽蘭生澗底芳馨誰爲傳桃李開深山無人空自妍所
貴賞心人及時采芳鮮國香一旦出成谿不在言公門
固無私春風亦已偏

咄哉下里駕少小曾空羣不遇伯樂顧鹽車汗沄沄翦
拂乃在茲長鳴一向君太僕十二閑虛飽奚足云驥首
奮天路萬里策功勳

亭亭泰山松特挺百尺枝免絲生其下纏綿得所依寄
根雖云末呈此凌霄姿下與凡木遠上與青雲期自念
欣有託不敢侈恩私
天子重豪雋異數求大良泰道日以升君子正內陽何
幸下里士賓賓觀國光金馬始應詔董生策煌煌詎敢
終小草羽儀方用章

北征次京口

丙子

生長東南全盛年驚看江瀨遶戈船旌麾幙府方移鎮
烽火中原未息燼吳地震鄰多伏警漢廷對策竟何先

賈生不盡憂時涕太白船頭似月圓

姑蘇逢劉無疆沈繼明招飲徐鳳青樓餞余北上
姑蘇臺下鄂君船正值鶯花二月天樓上新妝看寫月
尊前故態酒傾泉熏籠香煖人初醉銀燭光銷客未眠
腸斷徐孺三疊曲不堪明日各風煙

呈張二無先生

夙佇高山望今朝始慰饑文高乖叟譽清過伯夷徽罔
政新膺寵陪京尚典衣以南璽卿新有太僕之命在告聖朝需柱石莫
憶故園薇

金山杏花下作

迴廊行徧日暉暉忽漫飛花點客衣回首海天春已半
不禁愁思滿江磯

舟過高郵

懷闕樓前水拍隄野田花鴨作羣棲舟行酷似平江路
莎草青青柳葉齊

晚泊古城謁三義廟

船頭斜日戍煙輕疎雨絲絲足別情沙岸落帆河水急
暮天吹角海雲生幾家野店依荒驛何代英祠傍廢城

記是當年三義聚靈風猶起夜濤聲

舟次宿遷

蓬窗浙瀝定還驚客思搖搖夢不成河上漁舟聞遠棹
岸頭小柝守殘更餘寒饒作東風勢急水初添夜雨聲
憶自離家春過半可堪淹泊宿遷城

伽河逢陳大士舟次夜談有作

何意黃河曲逢君青翰舟從來輕萬戶但願識荊州俠
概凌同父高名重太丘風波淹水宿談笑慰羈愁味摘
沙芹細香分楚橘幽夜闌頻翦燭歡劇正傳籌交道憑

聲氣文心足獻酬雄詞高郢雪時事泣吳鉤怒看旄頭
燄憂深肉食謀星輝連北極萍聚尚南洲水勢春方大
河聲夜不休馮澆一尊酒明日定安流

與金沙周伯玉從陸赴京

赴闕心方迫關河路尚紆篋書懸馬鏡筒酒縛騾車幸
有同心密都忘逆旅疎紅塵初擾擾何處五雲居

東平道中

白日揚黃塵驅車漫浩浩戴星出東平細雨千山曉
靄空濛濛垂楊弱嫋嫋平岡轉逶迤客路生芳艸麥秀

色侵衣春風亦已老征輶一延佇忘却山東道

郝山述所見

陰陽有遷化水土係所秉水緩易生疝水激易生瘰此
理夙有聞寓目信有省馬頭婦出汲十九瘦垂領並恐
行客見羞澀自照井照井亦何爲淚落喉間哽不信燕
趙女另有好頭頸

滕縣道中

東風日日逐征車夾道垂楊滿絮花憶殺江南春似海
輕塵不到碧窻紗

鄧州道中

生長江南慣水鄉春風馬足信郎當蓮漿不解黃埃渴
得見清波沁骨涼

瓦橋關

吾丘北接古雄州溪水西通易水流岸上綠楊縈去馬
隄邊青葦亂飛鷗三春半擲紅塵道一月方看白鷺洲
莫憶江南風物好長安已在五雲頭

新城道中懷古之作題三家店壁

古督亢地

馬頭日落塵生處傳是當年易水渡刮面蕭蕭吹暮風

雪屋二集卷一
荆軻西入咸陽路兩袖單懷督亢圖函中之首血模糊
可憐投匕擊不中怒氣空令倚柱呼茹血報讎讎未雪
秦王無恙燕丹滅去時相送白衣冠壯士嗚嗚先飲泣
堪笑舞陽真小兒擊筑猶聞高漸離古來義憤在人世
譜得千秋烈士悲

題京師寓二首

平日閭闔開征塵起交衢馬頭呵從過冠蓋絡繹趨煌
煌京雒客大半爭要樞去軫接回輶紆紫并曳朱 天
子避前殿宵旰方憂劬四方賊未滅京師早未蘇誰調

陰陽和飽死多侏儒道旁一却顧獨立空躊躇
余本下里士對策來承明四方應詔至輦下羅羣英的
樂照珠玉芳馨懷蘭蕙始通金閨籍還歸胄子鬢 天
子大樂育當途藐塵輕豈知漢廷上文學難孫弘勉矣
奮六翮毋以小草名處有龍鳳日出當爲棟楹

候試

闕下集羣英懷中白璧瑩上書驚譽朔滅刺笑狂衡舊
賦凌雲久新恩覲日明金臺看意氣短缺是青萍

廷對

雪屋二集卷一
古嘯堂

鳳樓門鑰啓銅螽唱徹楓宸入曉雞宗伯引趨鑾殿奏
將軍呵止玉階齊日華頰首瞻天仗煙靄回身降御
題自笑孫弘猶未老生平何策獻金閨

同馮仲先遊龍華淨業金剛諸寺訪雪崖野竹上人二首

何處尋幽勝相將有衲衣亭虛隄樹暗沙淨水禽飛香
稻含初雨新荷漾晚暉隔湖遙望見雄刹對漁磯
燕塵飛不息瞥見水光生深柳藏僧寺平湖接帝城鶴
分香積供鶯帶上林聲京雒煌煌者何如此濯纓

與馮仲先朱以發同舟南下

小車入洛喜爭迎又見關河買棹行河口不疑懷璧客
關前應笑棄襦生檣鳥飛下窺書卷汀鳥啼來送友聲
一道安流隨去住休煩聞吏候雞鳴

燕歸舟中值亡兄蕃甫周歲忌辰二首

一生兄弟每相依何意違離已及朞天外有魂招不得
况堪展讀春令詩

食貧家計累吾兄前此清修過半生今日京華回首處
可堪隻羽獨飛鳴

借朱以發登東昌郡光嶽樓

遙看層閣出層空
攜手登臨目界窮
蠹蠹岱宗通紫氣
泱泱渤海鎮雄風
三台帝座紅雲裏
萬井人煙曉日中
百尺堪尋天下望
幾回欲訪仲連宮

卽聊城仲連射書處

夜泊邗關

二首

清淮南下遶城流
廿四橋頭十二樓
歌吹不知何處落
至今煙月滿揚州

平山堂上快哉風
萬井歌鐘煙市東
極目蕪城高處望
隋隄柳色夜濛濛

濟江與仲先以發豪飲

大江淼淼際天流
逕渡無勞壁下投
買到河鮮堪佐箸
傾來滄酒不論籌
着鞭共效祖劉舞
放棹爭看李郭舟
回首清淮與濁潞
風波已不到睂頭

畱都贈卜隱周午陽

朝來紫氣滿京闕
一騎青驃自東發
迎着仙翁揖道旁
罡風過處清妖孛
自歎有懷明發裏
人間禍福隨人取
一生心事向誰論
布筴占星徒眩耳
我有織女石世無
君平漫不識我有賈生涕
世無季主空相忌
何意毘陵

隱異人竭來京雒鑿余真胸叅大始涵元化謀蘊玄機
洩鬼神自是君家圖太極五行演出先天易垂簾卜肆
識公卿炯炯方瞳秋水碧余但向翁呼滿竿長安貴人
騎大馬行藏有主其天乎須識先生非日者

秦淮輓嚴子建

四首

七夕曾邀共酒卮黃昏雨急負來期誰知亭午匆匆別
便是吾兄永訣時

孤琴誰更撫涼軒從此無心向酒尊淮水笛聲空繞夜
不堪對月賦招魂

送得魂歸一葉船江潮湧淚柳顰煙可憐載向龍津過
劍氣嘗沉在九淵

幾迴浦口讀書聲舟到籬門一笑迎魂魄至今猶在否
雲山空向小窻橫

鄧尉看梅

丁丑

登登西崦復平田已及花時勒凍天斜峪千林俱罨雪
野牆數樹只欹煙山家種慣饒春業遊客看多逐酒緣
一路香風筍簞上鐘聲遮莫萬峰邊

送錢宗伯暨瞿給諫赴京廷辯

四首

白日當青空浮雲忽蔽之一時晦曖間魑魅縱橫馳短
域旣射影小鼠亦嚙衣勢使天地覆機疑神鬼移豈不
畏太陽跳梁且斯須

人言飛冥冥弋者何所慕威鳳宿丹穴玄豹隱深霧機
辟忽中之杳不知其故躑躅鳴向誰患難亦吾素周公
被流言赤舄有常度

白璧汙青蠅寸點不累質貞珉烈火炎三日不改色往
往聖賢修頗得憂患力狐稷何足問瘵狗亦已極隕霜
有餘威天道豈終忒

有三尺劒誓欲清帝旁我有二石弓誓欲射天狼么
腹中蟲噉噉訴上蒼當有障天手依憑恣披猖行矣
帝無私拭目回陽光

水村

水村書屋小橋東脩竹疎梅三四叢無事閉門此靜坐
有人敲戶不爲通春陰連日只微雨花信幾番多怪風
稍喜新聞清耳畔夢魂淒斷塔鈴中

時伯和齋牡丹三四叢徐艾若攜酒至

石家錦障何足羨幽興偏宜君數叢佳客城南先載酒

雪屋二集卷一
小欄春思欲當風晚雲張幄養花色落照銜山增夕紅
正使昏黃不歸去燒燈要見夜煙籠

經嚴子建墓

真其寒食天紆折練塘路指點松楸間故人泉下臥遼
鶴何時歸悲風起高樹青青草未宿誰識杯中趣有酒
呼不應但澆三尺墓嗟哉明月中精魂自來去

訪陳季采陸布公於石梅菴

訪君深綠處樹遠竹林偏只在此山麓應從初地禪上
方來午磬下界滿春煙一葉香生茗新擔薦菊泉

泉名

趙景之及第寄贈

二首

趙壁連城擅國聲玉京仙府正標名文昌獨映金鑾對
魁杓高懸玉斗衡書靄氤氳龍礎潤東風浩蕩馬蹄輕
雄才並壓三千輩人在靈鼇頭上行

聖恩初賜漢宮花本是先朝翰苑家池上鳴鸞新節奏
殿前起草妙才華先鞭響觸金鈴索獨步香霑玉路沙
自笑也無溫飽志彤廷日賦不成華

送蔣畹仙之任南海

鳧舄朝飛嶺外霞朔風不到日南槎鮫宮月出初開鏡

雪屋二集 卷一
三、古嘯堂
蜃縣煙清好種花素節豈因泉水易玄文久擅錦綃華
九重暫借鹽梅手一試烹鮮大爾家

雜興

曉來叫新鶯呼我春夢醒好音流入懷賞心亦何迴夜
來叫苦鶯驚我春夢斷喉間若吞聲煩緒一時亂百鳥
各賦聲喜怒隨人情人情亦何異好自取悅惡取憎鳴
鴟動秋績布穀喚春耕鶯鳩槍榆上啁啾何足名鴟音
嚇嚇作妖祟安得一洗俗耳朝陽鳴

時旭如齋咏虞美人草

何處江花擅此名當年一劒楚魂輕血成吳地草花色
腸斷固陵風雨聲把盞尚聞歌應節傍檐猶見舞含情
誰知蓋世英雄氣半盡佳人一死生

寡鵠歌贈袁重其節母

哀哀一寡鵠孤鳴將何依懷中挾兩雛弱羽方學飛含
哺劇含辛淚向西風揮卓哉貞母節誓志能不移矯矯
松柏姿冒凌霜雪威吞饑夙有年今得返哺歸肅肅孝
子志奉事以無違真同寸草心難報三春暉幽貞苦潛
耀至行已可師明時采國風彤史宜著綴乃知勵德操

焉論貴與微

雲間七夕集姜神超先生玉照堂同朱宗遠楊子

常周祖修邵羽萬

玉照堂前瓜果繁高山在望典刑存才華照座西園集
讌笑忘年北海尊金井秋生聞蟋蟀銀河夜渡說天孫
醉中便擬乘槎問斗際沉沉月欲昏

過嚴子張湖莊

四首

蘆荻茱萸別一灣晚來棹破水雲閒分明換却湖山面
只在高人位置間

萬頃陂塘舊種蓮新開亭子土岡前教刪密樹晴巒出
補築長隄鏡水鮮

鷓鴣鷓鴣滿汀沙不是孤松五桺家天上銀河疏作派
月中仙樹爛生花

水木清華點次殊風流不墜賴撐扶阿翁魂魄猶睠此
展出湖山供養圖

詠朱鸚爲家光甫泉州公

二首

海外珍禽何處巢雕籠擎出繫紅條雪娘自媿無顏色
綠使應嫌舊羽毛日裏赤烏分火德穴中丹鳳借靈苞

雙雙對向庭前語能說清風太守高

當今天子不搜奇曾記元嘉詔賦詩紅袖色黏飛燕
唾茜衣汗拭太真肌玉籠閉却調言語金鎖擊來愛羽
儀只有使君袍上火分明欲奪此珍姿

長至日登許文玉新樓晚眺

百尺樓頭仙子居登臺雲物定何如煙中野火人家外
樹裏山城佛殿餘一鶻盤空窮目際半蟾濯影舉頭初
酒間不乏清狂興特着檐燈照綺疏

冬日讀書慈視菴

四首

踪跡今年類轉蓬草菴入夜佛燈紅暫將心地皈依頃
瑟瑟一庭黃葉風

迴廊行徧月中庭木落霜清鼓二更料得山僧松夢靜
木魚歇後讀書聲

午夜遲眠落夢難一聲清梵曉鐘寒窻櫺日影移三五
不信侯家舞乍闌

瘦骨條條削玉稜隨緣蔬飯類枯僧道腴畢竟勝葷血
嚼出黃蘗味也曾

冬日慈視菴

茅菴背水面陽開徑引蒼松印紫苔戶外市煙塵隔斷
窻中山霧濕飛來簾移寒馭添遲晷火宿熏鑪撥陷灰
擁膝不知天欲曙佛堂已有木魚催



